

Nukissiornermi ikummatissat avatangiisinut akitsuutaat pillugit Inatsisartut inatsisaata allanngortinneqarneranik Inatsisartut inatsisaat (Motoorinut ikummatissap akitsuusernagu umiarsuarnut timmisartunullu tunineqarsinnaanera)

§ 1

Nukissiornermi ikummatissat avatangiisinut akitsuutaat pillugit Inatsisartut inatsisaanni nr. 21, 18. november 2010-meersumi makku allannguutiginitineqarput:

1. § 1-ip kingornanut ilanngunneqarpoq:

”§ 1 a. § 1 naapertorlugu akitsuusiinissami pineqanngilaq motorinut ikummatissaq timmisartut imaluunniit umiarsuit 200 bruttoregistertonimik tassanngaluunniit annertunerusumik bruttotonnagellit bruttoregistertonagellilluunniit Kalaallit Nunaannut tikinneranni orsussaasivianniittoq, motorinut ikummatissaq umiarsuup timmisartulluunniit pineqartup nammineq ingerlatissaatuinnaq naatsorsuussaappat.

Imm. 2. § 1 naapertorlugu akitsuusiinissami aamma pineqanngillat timmisartut umiarsuilluunniit aseruatitersimasut usimik allagartaat malillugit akitsuuteqarfusumut tikittussaannngikkaluartut, kiisalu timmisartut umiarsuilluunniit taamaallaat nakorsamik atorfissaqartitsillutik imaluunniit napparsimasunik, toqusunik allatulluunniit ajornartorsiortunik nusiartorlutik akitsuuteqarfusumut tikittut.

Imm. 3. Akitsuusiinnginnissamut imm. 1-imi taaneqartumut atatillugu naatsorsuusiorneq nakkutilliinerlu pillugit malittarisassat Naalakkersuisunit aalajangersarneqarsinnaapput.”

2. § 4-p kingornanut ilanngunneqarpoq:

”Akitsuusigaanngitsumik uninngasuutit

§ 4 a. Akileraaruseriffiup suliffeqarfiit uninngasuutinik peqqumaasivittut nalunaarsorsimasut akitsuusigaanngitsumik uninngasuuteqarnissamut akuersissummik tunisinnaavai. Akitsuusigaanngitsumik uninngasuutit taamallaat tassaasinnaapput nioqqutissat akitsuusigassat akitsuuteqarfiup avataanut anninneqartussatut naatsorsuussat, aammalu nioqqutissat § 9 naapertorlugu avatangiisinut akitsuusernagit nioqqutigineqartussat. Akileraaruseriffik akitsuusigaanngitsumik uninngasuuteqarnissamut akuersissummik tunisinnerminut atatillugu akitsuusigaanngitsumik uninngasuutit pillugit piumasaqaateqarsinnaavoq.

Imm 2. Naalakkersuisut akitsuusigaanngitsumik uninngasuutit pillugit erseqqinnerusunik maleruagassiorsinnaapput, matumani aamma naatsorsuusiorneq nakkutilliinermilu maleruagassat

aalajangersarsinnaallugit kiisalu akileraaruseriffiup akuersissutininik tunisinermi ataatillugu qularnaveeqqusiinissamik piumasaqaateqarsinnaanera aalajangersinnaallugu.”

3. § 6, imm. 1, oqaaseqatigiinni siullerni allassimasup ”imaluunniit akitsuuteqarfusumut eqqunneqarsimasut, tak. § 2, imm. 2” kingornanut ilanngunneqarpoq: ”, nioqqutissanik akitsuusigassanik akitsuusigaanngitsumik uninngasuutininik ilassutaasimasunik ilanngarlugit, tak. § 4 a, imm. 1.”

4. § 7 ima oqaasertaqarpoq:

”§ 7. Akitsuusigassanik § 6, imm. 1 naapertorlugu naatsorsorneqartunit ilanngaatinigineqassapput

1) nioqqutissat akitsuuteqarfusup avataanut anninneqartut,

2) nioqqutissat suliffeqarfimmi imaluunniit suliffeqarfimmut suliffeqarfimmiilluunniit

assartorneqarneranni ikualattoqarnera, erngartoqarnera assigisaaluunniit pissutigalugu annaaneqartut, aamma

3) nioqqutissat § 7 a naapertorlugu avatangiisinut akitsuusigassaanngitsut.”

5. § 7-ip kingornanut ilanngunneqarpoq:

”§ 7 a. Uninngasuutininik peqqumaasivittut nalunaarsorneqarsimasut nioqqutissanik angallatinut ukununga tunisaqarneranni akitsuusiisoqassanngilaq

1) umiarsuit nunanut allanut ingerlaartut, tassunga ilanngullugit umiarsuit takornarianik angallassissutit,

2) umiarsuit uuliasiortut gassisiortullu 1.500 bruttotonnagemik imaluunniit bruttoregistertonngagemik taannalu qaangerlugu usisinnaasut,

3) timmisartut nunanut allanut ingerlaartut,

4) aalisariutit Kalaallit Nunaanni angerlarsimaffeqartutut nalunaarsorneqarsimanngitsut, aamma

5) aalisariutit 200 bruttotonnagemik imaluunniit bruttoregistertonngagemik taannalu qaangerlugu usisinnaasut, Kalaallit Nunaanni angerlarsimaffeqartutut nalunaarsorneqarsimasut.

Imm. 2. Akitsuusiinnginnissami piumasaqaataavoq nioqqutissaq umiarsuup, timmisartup, aalisariutilluunniit orsussaasivianut toqqaannartumik tunineqarnissaa.

Imm. 3. Naalakkersuisut akitsuummik akiliisussaataaannnginnernut ataatillugu naatsorsuusiornermi nakkutilliinermilu maleruagassanik aalajangersaasinnaapput.”

6. § 9, imm. 1, ima oqaasertaqarpoq:

”Uninngasuutininik peqqumaasivittut § 3, imm. 1 naapertorlugu nalunaarsorneqarsimasut nioqqutissat piarneqartut, suliarineqartut eqqussorneqartut amerlissutaat imaluunniit akitsuusigaanngitsumik uninngasuutit ikilissutaat, kiisalu nioqqutissat § 7 aamma § 7 a, imm. 1 naapertorlugit tunineqartut atukkallu naatsorsuuteqartissavaat.”

7. § 12-imi ilanngunneqarpoq:

”Imm. 2. Nioqqutissat akitsuusigassat § 7 a naapertorlugu akitsuusigassaaajunnaartut

atorneqarfissaminut naatsorsuussamit allaasumut atorneqarpata, suliffeqarfup nioqqutissanik akitsuuteqanngitsumik pisisinnaanera akileraaruseriffiup atorunnaarsissinnaavaa. Nioqqutissat pineqartut avatangiisinut akitsuutaat akileeqqusinnermiit kingusinnerpaamik ullut 14-it qaangiunneranni akileqqullugu suliffeqarfik peqquneqassaaq.

Imm. 3. Suliffeqarfup nioqqutissanik akitsuuteqanngitsumik pisisinnaaneranik atorunnaarsitsinerminut ataatillugu akileraaruseriffiup uninngasuutininik peqqumaasivittut nalunaarsorneqarsimasoq nalunaarfigisinnaavaa, suliffeqarfik nioqqutissanik akitsuuteqanngitsunik siunissami tunisiffigineqarsinnaassanngitsaq.”

§ 2

Inatsisartut inatsisaat atortuulissaaq 15. april 2011.

Imm. 2. § 1 a, inatsimmi matumani nr. 1-imi oqaasertaligaasoq nioqqutissanut 1. januar 2011-mi kingusinnerusumiluunniit akitsuusigassaalersussanut atuutissaaq.

Namminersorlutik Oqartussat, 14. april 2011

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut